



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Novatvs Presbyter. 20. Iunii.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

deformior fuit, eò impensius MICHELINÆ charitate sublevabatur: satisque constat exesum Elephantiasi ejus osculis perfanatum, quibus singula ægri ulcera libaverat. Ad cælum an. M. CCC. LVI. abiit. Flagrum ejus, cilicium, zonaque ferrea in Virginis Salutatae templo asservantur, sacrae militiæ tyronibus monstranda. His armis cælum expugnavit foemina. Sperabitis molliora viri? *Ex Chron. Minor.*

5. NOVATVS PRESBYTER.

20. Junii.

NON jam Priamum aut Nioben Græcus Parnassus cantet in funera sua fœcundos. At nos PVDENTI Senatorii ordinis Romæ viro NOVATVM & TIMOTHEVM filios geminos, totidemq; filias PVDENTIANAM & PRAXEDEM gratulamur, omnes cum ipso patre cælo insertos. Et felicitatem aemulam tam sancta familia ducibus Apostolorum DD. Petro & Paulo debet, qui post hospitii tesseram PVDENTEM sacris undis admoverunt, & uti animum, ita animi socium corpus candidâ veste induerunt. Et servavit ille utramq; ab omni labe eximiam, adesq; suas commune miseris hospitium fecit. Demortui virtutes hereditario jure sibi debitas liberi certatim involarunt, quamvis vivente, & arridente patre, idem
jam

jam fecerant, Aedes in templum versæ ;
 patrimonium in pauperes dilapidatum ;
 tota familia (capita numerabat XCVI.)
 omnis sacro fonte lustrata ; latebræ af-
 flictis Christianis datæ ; firmati nutan-
 tes ; roborati morientes ; mortui terrâ
 tumulati. Sacra à NOVATO & TI-
 MOTHEO fratre omnibus ministrata.
 Deniq; non jam in templum tantum,
 sed cælum migrasse domum tam san-
 ctam dixisses. Certè cælo digna ab ipso
 cælo judicata est nobilissima hæc fami-
 lia ; in quam utinam more veteri tran-
 sire ignobiles nos terræ filii aliquando
 possimus! *Ex Ferrar.*

S. H E M M I N G V S EP. 21. *Iurii.*

I N H E M M I N G O Aboënsi Pont. à
 primis annis jam ex morum gemmæ
 emicuerunt, quæ insulæ olim majesta-
 tem decerent ; ita jam tum in puero
 nihil puerile præter ætatem erat. A lu-
 dis omnibus alienus, totus studiis seriis
 jam tunc occupabatur, & in his ipsis
 unius DEI gloriam quærebat, semper
 in cælum collimans unicum scopum
 suum, sed Christiano homini, ut non
 aberret, satis magnum. Et talis ille etiã
 duravit, postquam Collegio Canonico-
 rum adscriptus fuit, nisi quod tunc, ut
 alii nummorum, ille virtutum potiùs
 censum augetet. Dignum ergo tunc
 Superi judicarunt, cui D. Brigittæ ortum